

desponsaverat. A. 51. & Christi anno 602. *Mauritio* prædicitur cædes perpetranda à quodam, cuius nomen haberet initiales literas Ph. quâ de causâ *Philippicum* sororis maritum in vincula conjicit. Sed à *Phocâ* militiæ duce cum masculis liberis Chalcedone interfectus est. *Phocam* ipsum *Heraclius* a. 59. Constantinopoli trucidat, & Imperio potitur. A. 78. Chr. 629. Cantabrigiensis Academia in Angliâ à *Sigisberto* Saxo-num Orientalium Duce instituta est. Anno 80. *Mahomed* Pseudopropheta moritur, & anno 89. *Heraclius* Imperator hydrope confectus; Successerunt ipsi filius *Constantinus* à *Martinâ* novercâ veneno sublatus, quæ hoc eodem anno cum filio *Heraclione*, cui cum matre anno sequente à Senatu Constantinopolitano capto nasus abscinditur, materque lingua truncatur, in exilium ejicitur, Imperio delato ad *Constantem* *Constantini* filium.

A.M. 4600.
A.C. 651.

Quarti Millenarii Sæculum Septimum, cuius anno 17. *Constantinus* Imperator in Balneo ab *Andræâ* *Trois* filio stulâ capiti graviter impactâ trucidatur. *Constantinus* filius. Imperii aggreditur onus. Vigesimo secundo *Callinicus* Architectus ab *Helio* poli *Egypti* Constantinopoli fugiens, ignem maritimum, quem Græcum Ignem vocant, excogitavit, & classem Saracenorum ad Cyzicum hac hyeme incendit. 34. *Constantinus* Imperator ex hac vita discedens ad filium *Constantinum* septendecim annorum adolescentem Imperii gubernationem devolvit: qui anno 43. à *Leontio* Patritio dejicitur de Imperio, naso mutilatur, & in Chersonesum relegatur. Hic verò post triennem gubernationem ab *Abismaro* aliâs *Tiberio* iterum naso truncatus in Dalmatia monasterio includitur, sed recuperatâ Constantinopoli & Imperio *Abismarum* in fuga captum cum fratre *Heraclio*, aliisque principes anno 52. qui fuit *Christi* annus 703. in muro suspendit. Tyranno *Hagago* Babylonio regi ægotanti accessit, & *Astrologus* rogatus Astrologus, an hoc anno regem aliquem moriturum ex astris comperisset, respondit: Regem quidem moriturum, sed cui cani nomen esset. Ille recordatus, se in pueritia canem vocatum, dixit, moriar quidem, sed tu me horâ præcedes, & ipsi statim caput amputari iussit. Sexagesimo anno *Philippicus* *Constantino* interfecto cum filio, Imperium eripit. *Philippico* dormienti secundo anno post à *Ryso* Præfecto oculi eruantur, qui *Artemium* Imperatorem proclamat: cui ab exercitu Imperium anno 63. rursus eripitur, & *Theodosio* Syro cuidam invito deferatur, illud anno 65. rursus sponte deponenti, & *Leoni* *Isaurico* tradenti. Anno 80. *Beda*, cum ætatis annum 59. ageret, Anglorum historiam Ecclesiasticam absolvit, tertio anno post mortuus. 90. *Leo* *Isauricus* vitam finiens Imperii compotem facit filium *Constantinum* *Copronimum* itâ cognominatum, quia, cum baptisaretur, aquam stercore suo conspurcavit.

A.M. 4700.
A.C. 751.

Quarti Millenarii Sæculum octavum anno 17. dedit usum Organorum in Ecclesiâ Romanâ templis, ex occasione Organi, quod *Constantinus* Imperator *Pipino* cum Legatis suis miserat. An-

no 20. *Carolus* Magnus Imperium Romanum post *Pipini* Patris, & *Carolomanni* Franciæ Regum obitum nanciscitur, & ipsius variè dilacerati, & collapsi parietinas collectas restaurat, ita ut Occidentale Imperium emergere iterum cœperit, cum Orientale ad interitum pedetentim properaret. Studia literarum etiam respirarunt, hæcenus tot bellis oppressa, ipsæque Mathesis ab Arabum & Saracenorum colluvie in Africâ & Ægyptum se effundente ex urbe Alexandrinâ ejecta, & hæcenus exulans, quam tamen natio illa scientiis non infensa, licet à verâ Religione & pietate aliena, coluit & in usum adhibuit. Principes enim & Caliphæ illius nationis quamplurimos omnium scientiarum & artium libros Græcos in Arabicum sermonem transferri curarunt, ita ut Philosophia & Mathesis, aliæque artes Arabicis innotuerint. Idem factum in Romano Imperio, in quo *Alcimus* Anglus, qui Eboraci in Angliâ docuerat, & Legatus ad *Carolum* M. venerat, apud ipsum mansit, eumque in Grammaticis, Rhetoricis, & Mathematicis instituit. Floruit tunc temporis *Paulus* *Diaconus* Historicus in Cassinensi monasterio, ad quem *Carolus* M. ipse literas & versus suâ manu exaravit. Anno 29. *Leo* *Isauricus* Orientis Imperator fatis concessit, cuius conjux *Irene* filii nomine imperium gessit. 36. *Carolus* M. Cantores, Organistas, Grammaticos & Arithmeticos Româ in Galliam evocat, & in Scholis ubique erectis juventutem institui curat. 39. *Constantinus* *Irene* filius ab Exercitu muliebris Imperii pertaxo Imperator proclamatur. Anno 41. *Iohannes* *Madrosius*, & *Claudius* *Clemens* *Scoti* in Franciam venientes sese alios artes liberales docere posse profitentur apud *Carolum* M. qui ab *Alcimo* præceptore admonitus Academiæ Parisiensis fundamenta hac occasione jecit. Porro quatuor ventis Cardinalibus reliquos collaterales adiunxit, ut duodecim essent; Mensibus Germanica nomina imposuit, & ubique in omnium Episcopatu monasteriis & cœnobiiis scholas instituit, in quibus ingenii & servi præceptis Grammaticis, Rhetoricis, Muscis, Arithmeticis, & aliis imbuerentur. 46. *Irene* filio *Constantino* deposito oculos effodi jubet, & quæ hæcenus cum filio, à quo ad Imperii gubernacula admittâ fuerat, regnavit, jam sola regnat. Anno 51. & *Christi* anno 802. *Nicephorus* Patritius, *Irene* Imperatrice in Lesbum Insulam relegatâ, Imperium Orientis in potestatem suam redigit. Biennio post *Carolus* M. *Osabrugi* Clericis multas immunitates, & haud pauca prædia concessit, ut Græcam linguam discerent. Eodem tempore *Alcimus* moritur. Anno 60. *Nicephorus* in conflictu cum *Bulgaris* perit, & *Stauratio* filio ad regendum inepto præterito eligitur *Michael* *Curopolates* *Nicephori* gener Imperator, qui proximo anno cum uxore & liberis in cœnobium abiens *Leoni* *Armeno* ad Imperii gubernacula accedendi potestatem facit. Anno 63. *Carolus* M. *Aquisgrani* correptus febri, cum eam abstinentiâ, ut solebat, curare conaretur, in Pleuritidem incidit, & moritur. Paterni verò Imperii hæres fuit filius unicus *Ludovicus* *Pius* Imperator. *Sedulius* *Scotus* Poëta floret. 69. *Leo* *Arme-*

Alcimus.

Academiæ
Parisien-sis
ortus.

mus Constantinopoli trucidatus insidiis *Michaëlis* *Balbi*, huic ab Exercitu Imperatori proclamato, Imperium relinquit. Vixit his temporibus *Babylone* *Maimon* Amiras Saracenorum Princeps, doctorum hominum amantissimus, cuius iussu multi Græci libri in Arabicam linguam translati sunt, & imprimis anno 76. qui est *Christi* annus 827. Mathematica Syntaxis *Ptolemai*, quam *Almagestum* vocant, opus quod postea iussu Imperatoris *Federici* II. anno *Christi* 1230. ex Arabicâ Lingua in Latinam conversum est, ita ut *Astronomiam* ab Arabicis petierint Germani, antequam Græcæ Linguae cognitionem haberent. Arabes autem primi ex *Nabonassure* fecerunt *Nabuchodonosorem*, qui error ad *Alphonsum* translatus est. Anno 78. *Michaël* *Balbus* literarum imperitus & earum osor moritur, & filius *Theophilus* successione ad Imperium pervenit. Anno 79. *Leo* Philosophus, qui literas & Poëtas Constantinopoli, in Andro autem Insula apud *Michaëlem* *Psel-lum* Philosophum Rhetoricam, Arithmeticam, Philosophiam, & alia didicerat, exiguo stipendio Constantinopoli docens à *Maimone* maximarum divitiarum pollicitatione invitatur, ut Saracenos institueret. Detentus tamen est ab Imperatore *Theophilo*, luculentius ipsi stipendium largiente, & omnino nolente, ut Saraceni artibus ejusmodi imbuerentur. Successor *Maimonis* *Muteza* medicos summo favore complectebatur, sub quo floruerunt *Imam* & *Hanabeth*. Anno 89. *Ludovicus* *Pius* decedit de vitâ & Imperio, cuius *Lotharius* filius compos factus est. Anno 91. *Theophilus* Imperator Orientis fatis concessit, Imperioque post ipsum præfuerunt *Theodora* conjux, & *Michael* filius. 97. Vixit *Rabanus* Episcopus *Moguntinus*, Theologus, Astronomus, Rhetor & Poëta insignis.

Maimon
Amiras.

Astrono-
mia in Ger-
maniam
venit.

Leo Philo-
sophus.

Rabanus.

A.M. 4800.
A.C. 851.

Millenarii Quarti Sæculum Nonum. Anno 4. *Lothario* Imperatori mortuo succedit filius *Ludovicus* II. Anno 10. cum *Michaël* Imperator nullam Imperii rationem haberet, *Bardas* rectionis curam gerens, Scholas Constantinopoli erigens, & Philosophiam doceri iubens, literas, quas barbaries & inscitia magna pœne extinxerant, ad priorem splendorem revocat. Anno 14. *Rudolphus* Abbas *Fuldenfis* & *Historiographus*, ac Poëta moritur. 16. *Michaëlem* Imperatorem ebrium per suos noctu trucidari curat *Basilus* *Macedo*, Armenius natione, & Imperium hæcenus cum *Michaële* gubernatum solus administrat. 24. *Ludovicus* II. Imperator sine liberis diem obit. Succedit *Carolus* *Calyus* Galliarum Rex, qui anno 26. prope Mantuam in Italiâ febri correptus, veneno à *Sede-chiâ* Judæo medico pro medicamento propinato extinguitur. Fuit princeps literarum amantissimus, & eruditorum fautor, atque plures Arabum libros in Latinam linguam transferri curavit. In ipsius locum venit filius *Ludovicus* *Balbus*, anno 28. ægritudine corporis consumptus, quem in Imperii gubernatione sequitur *Carolus* *Crausus*. Circa hoc tempus Mathesios cognitione inter Arabas excelluit *Albategnius* Syrus, aliâs *Nabome-tes* *Araçensis* dictus, ex Dynastarum Syriæ profapia oriundus, qui partim Araçæ, partim An-

Albateg-
nius.

tiociæ observationibus cœlestibus operam dans deprehendit non modò Solis Apogeiû à *Ptole-mei* tempore in consequentia progressum, sed etiam stellas Fixas in ortum uno gradu progredientes non intra centum annos, ut *Ptolemaeus* statuerat, sed intra minus quàm septuaginta. Idem observavit, *Eclipticæ* obliquitatem secundum *Pappum* esse minorem (supra viginti tres nempe gradus, minorum triginta quinque) & alia multa circa stellas fixas, & ipsos Planetas. Hinc *Ptolemaeus* in multis correxit, tabulas novas condidit, & librum conscripsit inscriptum de Scientiâ Stellarum. Celebritate nominis hoc tempore etiam eminebat *Iohannes* *Scotus* vir doctissimus, qui Oxoniæ in Angliâ studium linguarum vehementer promovit, anno 32. in cœnobio *Malmesburien-sis*, quo recreationis causâ secesserat, à Monachis, quorum ignaviam, & ignorantiam asperioribus verbis castigaverat, stylis confossus. Anno 35. *Basilio* fatis functo, Imperii rectionem filius *Leo* aggreditur. Sequenti *Carolus* *Crausus* remouetur ab Occidentis gubernatione, quæ *Arnolpho* Imperatori constituto committitur. Anno 41. Oxoniensis Academia instituta ab *Alfredo* Rege Angliæ. Anno 48. *Arnolphus* Imperator Romanus Paralyti conficitur, & filius *Ludovicus* III. adhuc puer Imperii gubernaculo admoveatur. 59. Floret *Regino* Abbas *Pruniensis* qui Chronicon suum usque ad hæc tempora deduxit. Sequenti anno *Leonem* Orientis Imperatorem alvi profluvium sustulit: Philosophus appellari voluit, & multa etiam scripsit, quippe qui singulari doctrinâ excelluit. Successor ipsius fuit frater *Alexander* tredecim Mensium Imperator, anno 61. sanguinis profluvio extinctus, & gubernationis vicem tradens *Constantino* V IIII. puero. Eodem anno animi moeror confecit Imperatorem *Ludovicum* III. & Imperium *Conradi* Franciæ Ducis curæ committitur, qui Anno 67. moriturus *Henrico* *Ancupio* adversario suo Imperii dignitatem defendendam censet, qui anno 85. morte abreptus Imperialem dignitatem filio *Ottoni* *Magno* à *Proceribus* electo reliquit. Tunc temporis vixit *Ebenno-zophus*, aliis *Azophi*, qui in Syriâ fixarum stellarum locis observandis occupatus fuit. Anno 95. floruit *Luitprandus*, Episcopus postea, qui historias scripsit. 97. *Constantinus* Imperator Constantinopolitanus, magnis propositis præmiis scientias, quæ hæcenus desertæ jacebant Imperatorum inscitia & incuriâ, excoli, & exerceri iussit.

Oxonien-sis
Academia.

Sæculum Millenarii Quarti decimum. Anno A.M. 4900.
A.C. 951.
8. *Constantinus* Orientis Imperator in Syriâ morbo correptus & abreptus Romanum filium reliquit Orientis gubernationi præfectum, post quem anno 12. morte sublatus, Imperii gubernacula suscipit *Nicephorus* *Phocas*, cuius uxor per murum palatii noctu attrahit *Iohannem* *Zimisum* militiæ præfectum, Imperatori vitam eripientem, ac Imperium sibi subicientem, quod anno 18. factum: Circa quod tempus celebris fuit *Rosvinda* virgo monialis cœnobii *Gandertheimensis* eruditissima, quæ scripsit heroica carmina, & Comædiæ *Terentianum* stylum imitantes. An. 22.
(cc) 2 Impe-